



2020-mut Aningaasaqarnikkut Ingerlatsineq pillugu Nassuiaat
(Aningaasaqarnermut Aatsitassanullu Naalakkersuisoq)

Aallarniutigalugu Aningaasaqarnermut Aatsitassanullu Naalakkersuisoq qutsavigerusuppara 2020-mut Aningaasaqarnikkut Ingerlatsineq pillugu peqqissaartumik nassuiaateqarneranut. Naluneqanngitsutummi Naalakkersuisoq Naalakkersuisoqarfillu Coronap aningasatigut malitsigisai peqqutigalugit assut ulapissimapput. Taamatut isigalugu assut kusanarpoq taassuma saniatigut tamakkerlugu isiginnittumik, pikkorissumillu Aningaasaqarnikkut Ingerlatsineq pillugu Nassuiaat matumuuna takusatsitut taama peqqissaartigisumik suliareqqissaakkamillu piffissaqarfigineqarsimammat.

Qularnanngitsumik aningaasarsiornermut pisoqarfik uungaannaq killilik arlalinnik nalorninarpoq. Nunarsuarput qanoq siviutigisumik Corona peqqutigalugu matoqqassanersoq sulil naluarpur. Taassumallu kingorna aningaasatigut qanoq unammilligassaqartigissanersugut naluarpur. Maannali takornarialerinerup uninnganera, aatsitassarsiornerup uninnganera, nunarsuarmilu niuffannerup qalerualinnut aalisakkanullu akigititai appariartornerat peqqutigalugit aningaasarsiornermut sakkortuumik malitseqarnissaa oqaatigereersinnaavarput. Tamanna isumaqarpoq nunatta karsiata isertitassai missigersuutigineqarsimasunit annikinnerussasut. Taassumallu saniatigut ajutoorfissuarminnitta suliffissaaleqisut amerliartortissimavai.

Taamatut pisoqartillugu aningaasarsiornermi ilungersunartunik arlalinnik aalagiusaqaqtariaqassuugut. Sanaartornermut Iluarsaanermullu Aningaasaateqarfiup suliniutai arlallit unitsikkallartariaqarsimavagut tassaangaanniik aningaasanik aallerniarluta. Naalakkersuisoqarfiit tamarmik aningaasanik paarisaniik nalilersuisumik kisitsisoqalersimavoq. Ukiaanerani ataatsimiinnissamut Naalakkersuisut aningaasartuutitalinnik siunnersuuteqarniingillat. Nunatta karsiata akiliisinaassuseqarnera qulakkeerniarlugu nunanit allanit aningaasanik atortariaqarsimavagut, taamaallitulu aningaasarsiasat pensionisiassalu il. il. qulakkeersimavagut.

Sakkortorpaluppoq, aammami sakkortuvoq, nunaniilli allanit iluatsitsinerusimavagut nunatta karsiata aningaasaatigut isertittagai arlallit naalagaaffimmit, aammalu EU-mit tapiissutaasarmata. Aningaasaatigut taakkua Corona-mit soorlu takornarialerinermi, tunisassiornermillu aningaasarsiornerput assigalugit eqqungaasimangillat.

Demokraatit isumaqarput Naalakkersuisut saqqummiussaaniit sulil angusaqarluarniartariaqarnerusugut, nutaanillu pilersitsiniartariaqarnerusugut. Pisortat ingerlataqarfiini sukkanerpaamik pisariillisaasariaqarpugut, taamaallitulu pisortat allaffissorneranni sipaaruteqarsinnaangorluta. Tamanna



Namminersorlutik oqartussani kommuuninilu atuutissaaq.

Royal Greenland-ip namminersortunngorsarneqarnissaanut sukkanerpaamik suliniuteqartariaqalerpugut. Namminersorlutik inuussutissarsiortut ingerlataqarfii Namminersorlutik oqartussanit suliffinnik ingerlatsinnermut pikkorinnerupput, Demokraatiniillu isumaqarpugut Royal Greenland nammassisaqarsinnaanerusoq ingerlataallu arnerusorlu nunatta karsianut iluanaaruteqartitsisinnaassasoq soorlu assersuutigalugu ingerlatsiviup isertitaminit akileraarutaasa amerleriarnertigut.

Taassumallu saniatigut, piffinni massakkut artornartuusuni inuiaqatigiit assakaasui kaavitiinnarniarlugit innuttaasut suliffeqarfiillu pisisinnaassusaat qulakkeertariaqarparput. Tamatumuunalu aalajagiutereersimasagut, soorlu Sulinermi ilanngaat, ingerlatsiviit isertitaminit akileraarutaasa apparneqarnera attatiinnarnissaat pingaaruteqarluinnarpoq.

Taassumallu saniatigut Demokraatinit qanoq iliorluta innuttaasut suliffeqarfiillu pisisinnaassusaat suli nukittorsaneqarsinnaanissaannut isumaqatigiinniarnernut peqataarusuppugut.

Piffissami aggersumi erserumaarpoq partiit sorliit sapiissuseqarlutillu akisussaassuseqarnermik misigisimallutik suleqatigiinneq aqutigalugu, kinguneqarluartussamillu isumaliortunik siunnersuuteqarnikkut ajutoorfissuarminnitsinnit aniguititsisumik aqutissiuussisuussanersut. Demokraatinit neriuutigaarput partiit tamarmik kinguneqarluartussamik suleqatigiikkumassasut.

Tassaappullu 2020-mut Aningaasaqarnikkut Ingerlatsineq pillugu Nassuiaammut matumuuna tusaatissatut tigusatinnut oqaatigerusutagut.